

Դուին, որ կայ ի հիւսիսոյ կողմանէ քաղաքին մեծի Արտաշատու, զգետն խոնարի մինչեւ յապարանսն Տիկնունի՝ տնկեցին զկաղինն¹: 5 Եւ կոչեաց զանունն Նորա Տաճար մայրի: 6 Եւ միւս ի մայրեացն յեղեգնաբերանին² ի նմանէ ի հարաւակոյս լցին զդաշտն կաղնատուն տնկով եւ կոչեցին զանունն Նորա Խոսրովակերտ: 7 Եւ անդ շինեցին զապարանսն արքունականս, եւ զերկուսեան տեղիսն պարսպեալ փակեցին. եւ ոչ կցեցին ի միմեանս վասն պողոտայի ճանապարհին: 8 Եւ աճեաց բարձրացաւ. եւ ապա զամենայն էրես եւ զգագանս հրամայեաց ժողովել թագաւորն եւ լնուլ զքաղաքորմսն, զի լիցին Նոցա տեղիք որոց զբաւսանաց ուրախութեան թագաւորութեան Նորա: 9 Եւ զաւրավարն Վաչէ կատարեր վաղվաղակի զասացեալսն արքայի:

10 Եւ մինչդեռ նա յայնմ գործ զմայրեալսն տնկելովք էր, յանկարծակի գուժկան³ հասաներ առ Խոսրով ի Յէր եւ ի Չարաւանդ գաւառ, թէ պատրաստեալ են զաւրքն Պարսից գալ հասանել ի գործ պատերազմի ի վերայ քո: 11 Ապա հրաման ետ արքայ Խոսրով Դատաբայ Նահապետի Բզնունեաց՝ զուզազ հանել յաշխարհէ աւելի քան զչափն. եւ զհամար զաւրսն մատենիկ⁴ գնդաւն ընդ առաջ Նոցա խաղալ հասանել ի դիմի հարկանել, արգելով զթշնամիսն: 12 Ապա Դատաբէն երթայր ընդ առաջ զաւրացն Պարսից բազմութեամբ զաւրաւրն Յայոց: 13 Իբրեւ հասաներ Դատաբէն, խորհուրդ միաբանութեան դներ ընդ իշխանսն զաւրացն Պարսից. կամեցաւ մատնել ի ձեռս Նոցա զարքայն Յայոց զտերն իւր. դարան հրամայեաց գործել թշնամեացն ի վերայ իւրոց զաւրացն, եւ անդրէն սուր ետ դնել ի վերայ իւրոց զաւրացն: 14 Յանկարծ յեղակարծումն տարակարծի՝ քառասուն հազար զզաւրսն Յայոց միանգամայն կոտորեին, եւ այլ զաւրքն փախստական լինեին. եւ Դատաբէն չարագործ առնոյր զզաւրսն Պարսից, եւ կամեր անկանել ի վերայ թագաւորին Յայոց: 15 Ապա փախստականք զաւրացն վաղ հասանեին ի բանակ արքային Յայոց, զոյժ առնել զանհնարին կործանումն իրացն եղելոց, զչարագործութիւն մատնութեան անաւրէն Դատաբէնայ:

16 Ապա անգաներ թաւալեր ինդրեր յԱստուծոյ բազում պաղատանաւք եւ ուժգին արտասուաւք թագաւորն Յայոց Խոսրով, հանդերձ Վրթանաւ քահանայապետին: 17 Եւ յետ այսորիկ աճապարեր կուտեր զզաւրսն առ ինքն իբրեւ երեսուն հազար, հանդերձ զաւրավարան Վաչէիւ. գայր հասաներ ընդ առաջ Նոցա՝ ամենայն աւագախումբ մեծամեծ Նախարարաւք իւրովք: 18 Եւ դիպեցան միմեանց առ ափն ծովուն Բզնունեաց, յԱռեստն աւանի, ի ձկնա-

1 Յօր. միում՝ զկաղնին

2 Յօր. միում՝ եղեգնաբերանին

3 Յօր. գուշակ

4 Յօրինակս ինչ՝ մատենի